

天樞王元生先生著

恒河船夫語

著起署卷

天際王元生先生出

懷  
跡  
胸  
上  
空  
韻

著  
起  
署  
全

民國四年三月二十八日初版



恨海鵑聲譜

定價大洋二角

著者 王先生

發行者 上海四馬路麥家圈口  
民權出版部

印刷者 上海威海衛  
益新

哀情小說 恨海鵑聲譜

天僂王先生著

第一章

黃○葉○雨○墮○凍○鴟○雷○叫○斜○陽○瘦○紅○映○水○光○作○淡○金○色○空○際○朔○風○哀○號○肌○膚○爲○之○起○  
栗○此○時○瑞○士○國○之○官○斯○丹○薩○湖○上○森○林○中○方○有○一○少○女○倚○樹○延○眺○年○可○十○八○九○  
明○艷○無○倫○匹○五○官○溫○媚○殆○可○醉○人○髮○黑○而○眉○青○與○玉○雪○之○容○相○稱○衣○尋○常○藍○色○  
綢○衣○躡○利○屣○距○此○女○立○處○約○丈○許○遠○有○一○老○者○扶○杖○而○立○忽○呼○曰○媚○里○日○既○昃○  
矣○奇○寒○中○人○欲○僵○盍○歸○休○久○佇○胡○爲○者○此○女○噉○聲○應○曰○阿○父○兒○即○來○此○中○暮○色○  
佳○觸○景○留○連○遂○致○忘○返○可○笑○人○也○於○是○歎○步○出○林○外○返○身○從○老○人○後○迤○邐○向○北○  
行○

命。外史氏曰。吾於此處當詳此二人歷史矣。媚里者。其先本猶太人。猶太古名迦南。爲土耳其所滅。媚先世有斐里思者。嘗以武功得男爵。全國既并於土。斐里思獨跳身走之瑞士。瑞西境官斯丹薩湖水木明瑟。爲全國最勝處。澗流漪洄。茂草芳縟。斐里思愛其地。因移家寄籍。於是距湖僅里許。以農業世。其家再傳而爲尼爾利。尼爾利者。卽媚里之父。前書所稱扶杖老人也。尼爾利生平善遷。貿積田產甚豐。而性絕儉約。葺舊居新之。四周咸植以樹。碧陰翳空。秀色藻野。濱湖沃田數百頃。皆尼手置產。招佃承種。其婦曰赫格司。結褵念年。無所出久之。始生媚里。而尼爾利鬢毛斑矣。媚里幼絕秀慧。在襁褓中。卽婉變解人意。以是尼爾利夫婦絕愛憐之。甫晬。其母以病歿。由是存者惟父女二人。輒相倚爲命。

媚里甫七歲尼爾利送之入白拉田幼女學校肄業在班聯中年最稚而聰穎過人非同學所可及於常課外好讀東西諸歷史及稗官家言每讀小說至男女眷愛纏綿歌泣之際輒惻然如有所思禮拜日必歸覲老父見必接吻示親愛或臥地作嬌啼似久別未見者少長入高等女學居高等四歲所以最優等卒業於時媚里已問年十五餘矣長身玉立行路舉足若不勝居恒喜着白紵衣綽約如畫村人無老少見媚里罔有不貽者

尼爾利有執友曰諾克者瑞士人也幼經商於外年齒既衰以家業分畀諸子建別墅於官斯丹薩湖濱距尼居約數十武爲休憩之所二老日相過從或夜話達旦始去媚里以父執禮事諾克諾克一日詣尼作閒話指壁間所懸媚里肖像謂尼爾利曰如此姿態殆不似五濁中人使阿母生存殆不知若何愛惜

譜 聲 鵲 海 恨

也。方。言。時。媚。里。自。外。歸。適。從。窻。下。過。聞。言。若。有。所。觸。居。恒。自。傷。不。迨。事。死。母。至。是。益。涕。不。可。仰。諾。克。既。去。媚。里。乃。向。尼。爾。利。詢。死。母。狀。尼。爾。利。具。告。之。媚。里。聞。言。益。大。慟。泣。盡。夜。目。爲。之。腫。而。尼。爾。利。尙。未。之。知。也。

明。日。媚。里。午。餐。竟。要。尼。爾。利。同。往。省。母。墓。至。則。蔓。草。荒。烟。中。現。斷。墳。三。尺。墓。旁。老。樹。可。合。圍。木。葉。黃。落。樹。杪。寒。鴉。數。點。俛。頸。哀。號。每。一。發。聲。輒。爲。朔。風。咽。止。墓。故。瀕。河。數。武。外。有。蓼。花。一。叢。作。慘。紅。色。似。天。特。設。此。境。以。告。此。弱。女。者。凡。人。身。值。此。境。耳。目。所。接。心。骨。爲。悲。試。問。墓。中。人。嘗。此。况。味。已。十。餘。年。更。不。知。若。何。痛。楚。特。苦。於。不。能。言。耳。媚。里。斯。時。自。顧。一。身。以。爲。生。平。最。親。愛。者。莫。死。母。若。今。日。已。往。黃。泉。伶。仃。一。身。不。知。誰。賴。一。念。及。此。似。有。無。數。愁。思。起。伏。腦。中。恨。不。起。死。母。一。爲。伸。訴。或。已。身。直。入。墓。中。與。逝。者。一。接。吻。以。表。摯。愛。之。慘。卽。死。母。以。冷。頰。

待之亦所不恤。馳想既深，神經爲之迷惘。俄延夕陽西下，暮煙四起，倦鳥繞樹，急啼似呼。其同儕歸宿者，草際寒虫啾啾，與澗流聲相酢。答尼爾利牽媚里袂曰：「天暮矣，久佇胡爲者？」媚里無語，頰首隨之行。且行且泣，時時以袖角拭兩頰。時已寒月挂天，疏星出於林表。行約里餘，偶一舉首，忽見暮煙蒼莽中有一美少年迎面而至。年可二十四五，衣黑色外衣，髮作深棕色，雙睛蔚藍，鬚不甚多。其末皆上捲，面上肌色溫嫩如嬰兒。於雄偉中有溫婉之致，媚里微睨之，氣象殊不凡也。

此少年名亞德，爲法蘭西人。其父賈於英吉利，以航海致厚資，生子二。亞德其季也。亞德生有異稟，博通文家言，既長，肄業海軍學堂，洊升至艦長。性溫藹，不類武人。諸貴族爭妻以女。亞德慨然曰：「天下多婦人，所難得者愛情耳。率爾而

行○之○一○或○不○慎○終○身○占○脫○輻○矣○以○是○生○平○擇○配○嚴○垂○數○年○無○當○意○者○亞○德○既○奉○  
命○守○艦○時○時○以○兵○船○游○弋○意○大○利○諸○國○意○與○瑞○壤○相○錯○也○亞○德○有○姨○媼○居○瑞○之○  
瓦○烏○的○寡○而○無○子○亞○德○時○存○恤○之○每○至○意○必○紆○道○一○省○起○居○是○日○歸○自○瓦○烏○的○  
道○經○湖○畔○留○連○景○光○不○忍○去○乃○縶○馬○于○樹○徘徊○森○林○中○不○期○適○與○媚○里○父○女○遇○  
三○人○行○既○近○亞○德○於○數○武○外○瞥○見○媚○里○驚○爲○天○人○又○見○一○老○者○白○髮○偃○僂○相○從○  
行○回○眸○微○盼○彼○此○適○成○一○照○面○媚○里○與○亞○德○視○綫○既○切○相○向○約○數○杪○鐘○媚○里○見○  
亞○德○神○注○於○己○不○覺○臉○爲○之○頰○亞○德○自○省○非○禮○急○頰○首○趣○尼○爾○利○前○脫○冠○爲○禮○  
復○與○媚○里○鞠○躬○媚○里○拈○帶○不○語○尼○爾○利○見○亞○德○氣○概○知○非○常○人○因○曰○日○之○夕○矣○  
公○子○適○從○何○來○乃○獨○行○踽○踽○也○

亞○德○爲○道○姓○字○並○陳○省○親○狀○且○曰○瓦○烏○的○有○馬○丹○多○爾○利○與○下○走○有○葭○葦○親○頃○

自彼處歸愛湖上景光留戀致忘日暮時已及夕行客殊皇皇不知稅駕何所也語時以目視媚里一若求美人留客者尼爾利忻然曰公子上客老夫耳名久正王之春老夫旅行大都道經瓦鳥的向夕大風迷失道辱承馬丹多爾利止休老夫於家假以席地得免膏豸虎吻並承以晚餐相餉甚綏雅抱不圖公子與有戚誼得相遘此間也寒風砭肌霜霰且降前途多虎狼公子千金之軀幸勿犯此長夜敝廬伊邇誠不我棄者可權宿一宵也語次卽遙指樹林深處新屋巍然螭壁如櫛亞德謝曰走與丈人未嘗有斯須之雅丈人貺走者厚敢不拜嘉乃回身往解所乘馬馬方嚙草路側遂挈鞅相偕行逾十分鐘已抵尼爾利宅入門爲一花圃細草如茵翠陰環之四周皆植芭蕉經霜萎黃猶作妖碧再入則甬爲道道左右均有門自左入爲餐房右入則爲退閒之室右室後

爲寢室庖福則在餐房之旁尼爾利肅客入亞德留心觀覽見壁間所懸者均羅馬古畫及希臘女神肖像架上擁書至多有大家規範於是主賓復爲禮時媚里已趨入內室矣

媚里者明慧女子也生長鄉僻日處村墟間經日不見男子即偶一接見率皆牧豬奴蠶蠹無足觀兩入學塾同學姊妹行貌均不己若每攬鏡自照惟有顧影自憐嘗恨生平未嘗得一知己今夕猝遇亞德雖未暇作深談而一點芳心不覺無端蕩漾念此人狀貌雄偉而又溫雅如書生覺有生以來所見人物殆莫此君若也今而後始知天地間尙有此等男子不知彼人所遇閨秀又與我奚似愈念愈深適亞德在湖濱與媚里爲禮時媚里如未之見者彼正有所思也

尼爾利性謹愿寡交游環湖居者不下百餘家舍諾克外均以臭味不相中未嘗有杯酒歡今夕獨留亞德者蓋心儀其人非僅以報阿姨舊日情也是夕晚餐畢漏下已數十刻主賓促坐作長談媚里隅坐於老人之側室中已升爐火火光熊熊中益覺媚里光采耀人不可偪視亞德每與老人作數語必偷眼一視媚里媚里不喜亦不嗔時或回波一盼亞德自念從軍以後日坐驚波中未嘗得片晌適今夕勞人草草意外相逢坐對名姝以消永夜其幸福誠莫與京矣。

## 第二章

少須侍者淪苦茗進尼爾利從容謂亞德曰君以英年負盛望老夫欽遲之日長矣山澤之隴識面無自今夕無意中忽相邂逅我心則降老夫先世嘗以避

恨 海 鵬 聲 譜

亂居瑞士數傳而至老夫謫竄無足道幸薄置田產尙可爲噉飯地山荆早逝  
膝下僅一弱女年逾笄猶未脫小兒女態可笑人也言至此少止復曰君由海  
軍學生洊升至今職於此道必三折肱第不識近日作何狀亞德曰吾法海軍  
體度完善爲歐西最皇帝而下全國兵艦悉歸海軍總統節制近日膺此任者  
實爲麻興達公爵公爵嫻戰術富經驗待所屬黜陟亦至公其公子羅多利席  
公爵蔭橫恣鮮可倫比佐公爵治軍衡以喜憎爲舉錯屬吏望風恐猖無敢伸  
三尺法誰何之投贄冒啣求干進者駢坐於道下走性頑劣恥爲突梯滑稽之  
行無所興挫以是不得公子歡國人爲詩刺公子曰天狗墮地爲鴟爲鴉嘻嘻  
其聲行毀我巢世人咸謂異日敗公爵事者必公子也近公子於十一月一號  
就音德勒別墅開跳舞會要各公使蒞止四方觀禮者踵相錯方折柬見召予

恨 海 鵑 聲 譜

此○行○正○爲○是○事○丈○人○如○有○雅○興○者○僕○當○代○徵○入○場○券○以○迓○行○旌○也○

尼○爾○利○曰○老○夫○齒○衰○雅○不○欲○與○人○相○徵○逐○息○女○頑○鈍○日○居○村○市○中○未○嘗○一○覽○勝○  
舉○爾○時○或○與○媚○里○偕○行○以○一○擴○眼○界○也○頃○者○聞○君○言○羅○多○利○狀○在○君○不○屑○從○宵○  
人○後○乞○要○津○之○憐○所○以○植○身○者○至○善○雖○然○羅○多○利○者○公○爵○之○公○子○而○君○又○公○爵○  
之○屬○吏○也○公○爵○之○權○界○之○其○子○是○不○啻○其○子○即○爲○公○爵○若○抗○弗○與○洽○彼○之○讐○君○  
必○深○脫○予○以○隙○其○人○將○陷○君○於○理○以○爲○快○老○夫○爲○君○計○不○若○陽○委○蛇○而○陰○遠○之○  
既○不○積○仇○於○人○又○不○挫○節○於○己○斯○兩○得○之○道○也○亞○德○聞○言○亟○起○謝○曰○微○丈○人○言○  
僕○蒙○昧○不○及○此○

亞○德○與○尼○爾○利○情○話○既○洽○咸○恨○相○見○晚○啜○茗○畢○少○進○果○餌○窻○紙○已○漸○作○魚○肚○色○  
曉○色○朦○朧○霜○華○滿○地○寒○月○一○鉤○晨○星○三○五○相○間○亞○德○推○窻○四○顧○曰○貧○語○忘○天○曙○

矣。羈旅之人。過辱知愛。將踏曉霜。啟行異日。容厚報也。尼爾利曰。君遠道來。爲老夫絮聒。竟夕未得一安枕。盍在此少安。室有短榻。可藉以假寐。老夫倦欲眠。移時再相見也。亞德見老人意良厚。不忍却。且念可因緣與麗人相近。遂再四伸謝。尼爾利乃起。偕媚里出。亞德自覺不支。因和衣臥榻上。懵騰中漸沈沈睡去。

少頃。壁上鐘鏗然報九句。亞德瞿然醒。侍者以盥具進。亞德曰。老人起乎。侍者曰。未也。言已自去。亞德櫛沐。竟緩步至門外。獨立樹陰下。吸新空氣。心曠神怡。其樂靡極。忽聞有細碎履聲。自林際出一回首。則媚里已飄然至。前身着白衣。以巨珠結爲纓珞。周玉頸。數重寶氣粉光融。而爲一微睨之較。昨宵燈下相見時。尤艷絕也。俄頃之間。四目已相屬。此時亞德立墜身情網之中。初亦不復自

解中心之係戀既深思欲覓一世故語虛與委蛇而竟不可得久之始期期言曰密斯夜來殆未睡耶媚里巧笑曰小盹耳言已復彼此相視默無一語惟聞枝頭小鳥作嬌啼聲在媚里見亞德神采英毅爲目中所僅見之人不覺目爲之屬既見亞德與己對立相向出神不覺玉頰大頰亟低頭欲避去而足又不行亞德自念今日所見之人所作之狀固有生以後所不能忘卽自今日以至百齡苟心房中尙有血者當懷永弗誼也因思吾生厚幸得遇絕世麗姝甯可無一言而遽退斯時朝暾瞳瞳從樹隙下直注媚里面上更覺光采射人因前行距媚里所立處相去至近低聲言曰密斯深處空閨如此日時究以何事消遣媚里微哂曰無事可事舍侍老父滄髓外惟習針黹或讀書遣悶懷耳亞德曰鄙人一介武夫年逾弱冠學詣無所成就昨者萍水相逢尊公過相知

愛止我餐宿又相對作終夜談累密斯竟夕枯坐感愧之懷良不可任自今以  
往密斯苟不我瑕者當奉我身於此世界中永爲君友也媚里聞言臉復大頰  
幾不能答少頃乃曰君誠有心人兒生平他無係屬至見憐愛者惟一老父耳  
君不見陋兒亦欲時相把晤得企清輝言至此少止又曰老父慕君風采擬留  
君爲數日歡第寒舍甚偏仄留君久延無物可供消遣滋愧人耳亞德大笑曰  
丈遇我厚敢不敬遵盛命至君頃者言岑寂此事滋可勿慮蓋竟日得侍君左  
右足怡我情其樂視侯公爲百倍也媚里佯若弗聞不語亦不怒惟以纖趾頓  
地作細聲亞德急亂以他語曰音德勒跳舞會君能撥冗一臨存耶期不遠矣  
媚里曰老父已許兒偕行必如約言已遽返身去亞德相從行媚里回顧曰兒  
先入視老父起也未行且午餐願君勿外出乃迅步入左室去